



Broj, 04/5-02-2551/22
Sarajevo, 19.12.2022.

ZAPISNIK

9. sjednice Vijeća nacionalnih manjina Federacije Bosne i Hercegovine, održane 19.12.2022. godine

Deveta sjednica Vijeća nacionalnih manjina Federacije Bosne i Hercegovine **održana je 19.12.2022. godine s početkom u 12:00 sati**. Sjedina je održana online, putem Cisco Webex platforme.

Prisutni su bili sljedeći članovi: **Hidajeta Redžić, predsjedavajuća Vijeća nacionalnih manjina FBiH, Dervo Sejdić, Džemina Zejnullahu, Violeta Džolan, Vladimir Lukačević, Davor Ebner, Bruno Palestra, Zehra Obarčanin, Mehmed Suljić, Davorka Drijenčić, Elma Softić-Kaunitz, Admira Biberović, Elvisa Jusić, Emil Bakoš, Mišo Ćirko, Nermin Geca, Velibor Kuvač.**

Sjednici nisu prisustvovali: Dejan Piotrovski, Emin Fafulić, Alaga Suljić i Irma Muratović.

Sjednicom je predsjedavala **Hidajeta Redžić**, predsjedavajuća Vijeća nacionalnih manjina Federacije Bosne i Hercegovine.

Za 9. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

- 1. Usvajanje Zapisnika sa 8. sjednice Vijeća nacionalnih manjina FBiH;**
- 2. Analiza i utvrđivanje zahtjeva Vijeća nacionalnih manjina FBiH u kontekstu konstituisanja zakonodavne i izvršne vlasti u FBiH u mandatnom periodu 2022-2026.**
- 3. Tekuća pitanja.**

Dnevni red je jednoglasno usvojen.

1. Usvajanje Zapisnika 8. sjednice Vijeća nacionalnih manjina FBiH;

Zapisnik sa 8. sjednice je jednoglasno usvojen nakon prijedloga Mehmeda Suljića za dopunom Zaključka koji se odnosi na angažovanje eksperta za ljudska prava. Prijedlog Mehmed Suljića je podržan od strane ostalih članova Vijeća, te Zaključak glasi:

Vijeće nacionalnih manjina Federacije Bosne i Hercegovine će angažovati eksperta za ljudska prava koji će koordinirati rad zajedno sa predstavnicima Vijeća nacionalnih manjina Federacije Bosne i Hercegovine u vezi izmjena i dopuna Zakona o zaštiti prava

nacionalnih manjina Federacije Bosne i Hercegovine, a koji će biti finansiran iz budžeta kojim raspolaže Vijeće.

2. Analiza i utvrđivanje zahtjeva Vijeća nacionalnih manjina FBiH u kontekstu konstituisanja zakonodavne i izvršne vlasti u FBiH u mandatnom periodu 2022-2026.

Predsjedavajuća je istakla da, u kontekstu uspostavljanja nove vlasti u FBiH, je potrebno da Vijeće istupi sa sa setom zahtjeva Vijeća. Pozvala je sve članove Vijeća da učestvuju u pripremi zahtjeva. Predsjedavajuća je predložila tri zahtjeva:

1. Uvećanje naknade za rad članova Vijeća u Vijeću nacionalnih manjina FBiH shodno ranijem prijedlogu Mehmeda Suljića, na iznos od 315 KM;
2. Osiguranje kancelarijskih prostorija za rad Vijeća u zgradi Parlamenta Federacije shodno članu Poslovnika Vijeća koji propisuje da sjedište Vijeća je u zgradi Parlamenta;
3. Osiguranje sredstava za impementaciju člana 6. Zakona o zaštiti prava pripadnika nacionalnih manjina FBiH, kojim je utvrđeno da je FBiH dužna da obezbijedi sredstva za rad udruženja nacionalnih manjina.

Za riječ se javio Dervo Sejdić te predložio da jedan od zahtjeva Vijeća bude da Vijeće nacionalnih manjina dobije status radnog tijela Parlamenta FBiH. Također, Dervo Sejdić je predložio da predsjedavajuća Vijeća da rok za predlaganje zahtjeva koje će Vijeće uputiti Parlamentu Federacije.

Vijeće je jednoglasno donijelo:

ZAKLJUČAK

Zadužuju se članovi Vijeća nacionalnih manjina FBiH da do 31.12.2022.godine dostave prijedloge zahtjeva koje će Vijeće razmatrati na narednoj sjednici, te uputiti ih Parlamentu Federacije Bosne i Hercegovine.

3. Tekuća pitanja.

Predsjedavajuća je upoznala članove da su četiri člana Vijeća podnijeli ostavke na članstvo navodeći da je razlog propis Vijeća nacionalnih manjina Parlamentarne skupštine BiH, koji utvrđuje da jedno lice ne može biti član više Vijeća. Predsjedavajuća je istakla da je pomenuti akt pažljivo proučila te smatra da se pri donošenju tog akta nije uzelo u obzir činjenicu da Bosnu i Hercegovinu čine dva entiteta i Distrikt Brčko a da u tom aktu više se prava daje pripadnicima nacionalnih manjina Republike Srpske za članstva u Vijećima, iz razloga što Republika Srpska nije podijeljena u kantone, u odnosu na pripadnike nacionalnih manjina FBiH. Predsjedavajuća je predložila da Vijeće ne prihvati ostavke članova sve dok se ne utvrdi ustavnost propisa Vijeća nacionalnih manjina Parlamentarne skupštine BiH. S tim u vezi Vijeće je jednoglasno donijelo sljedeći:

ZAKLJUČAK

Ostavke na članstvo u Vijeću se ne prihvataju. Članovi koji su podnijeli ostavke u Vijeću nacionalnih manjina ovim zaključkom ih povlače.

Predsjedavajuća je istakla da je potrebno uraditi Izvještaj o radu Vijeća nacionalnih manjina za 2022. godinu te za isti zadužila sekretarku Vijeća. Također, Predsjedavajuća je najavila izradu Plana rada Vijeća i finansijski plan za 2023. godinu. Napomenula je da je potrebno iste uraditi do 31.1.2023.godine.



Dervo Sejdić je istakao da se sastao sa Visokim predstavnikom Christian Schmidt-om i razgovarao o izmjeni Ustava i Izbornog Zakona, te naveo da su razgovarali o položaju nacionalnih manjina u BiH i narednim aktivnostima za unapređenje statusa pripadnika nacionalnih manjina kako u vlasti tako i u društvu.

Za riječ se javila Džemina Zejnullahu te navela prijedlog da se finansijski plan Vijeća za 2023.godinu uveća za 20% zbog povećanja troškova kako bi Vijeće ostvarilo svoje ciljeve. Vijeće je jednoglasno donijelo

ZAKLJUČAK

Vijeće nacionalnih manjina će uvećati svoj Finansijski plan za 2023. godinu za 20%, zbog povećanja troškova koji su nastali uslijed inflacije, kako bi Vijeće u punom kapacitetu bilo u mogućnosti ostvariti svoje ciljeve.

Predsjedavajuća je zaključila sjednicu Vijeća u 12:40 sati.

**PREDSJEDAVAJUĆA VIJEĆA NACIONALNIH
PARLAMENTA FEDERACIJE BiH**

Hidajeta Redžić